



## **Ordenanza fiscal reguladora da taxa pola utilización exclusiva de vivendas municipais afectas a educación.**

### **Artigo 1.- Natureza e fundamento.**

Ao abeiro do establecido nas facultades reguladas nos artigos 133.2 e 142 da Constitución Española do 28 de decembro de 1978; 106 da Lei 7/1985 do 2 de abril, reguladora das bases de réxime local, 20 e 58 da Lei 39/1988 do 28 de decembro, Reguladora das facendas locais acórdase a imposición e ordenación da taxa pola utilización exclusiva de vivendas municipais afectas a educación.

### **Artigo 2.- Feito imponible.**

Constitúe o feito imponible da taxa a utilización exclusiva de vivendas municipais afectas a educación.

### **Artigo 3.- Suxeitos pasivos.**

Están obrigados ao pago da taxa as persoas que disfruten dunha das vivendas de dominio público deste Concello afectas a educación.

### **Artigo 4.- Exencións e bonificacións.**

Agás o disposto en normas con rango de lei ou tratados internacionais, non se admitirán exencións e bonificacións na taxa regulada nesta ordenanza fiscal.

### **Artigo 5.- Cota.**

A cuota desta taxa será de 142,83 euros mensuais por cada vivenda, impostos excluídos.

### **Artigo 6.- Devengo, período impositivo e ingreso.**

**6.1** A cuota da taxa regulada nesta ordenanza fiscal devéngase no momento en que se autorice o disfrute de cada vivenda.

**6.2** O período impositivo será mensual.

**6.3** O pago da taxa efectuarase a mes vencido, mediante domiciliación bancaria que autorizaría o solicitante da vivenda, por escrito, xunto coa solicitude de disfrute de cada vivenda.

**6.4** Causarán baixa inmediata no disfrute da vivenda aqueles beneficiarios que teñan unha demora no pago de dous meses consecutivos ou tres alternos.

### **Artigo 7.- Infraccións e sancións.**

Para todo o relativo a infraccións tributarias así como a súa calificación e as sancións procedentes estarase ao disposto na Lei xeral tributaria, na Lei de dereitos e garantías dos contribuintes e na restante normativa de aplicación.

### **Artigo 8.- Normas de xestión.**

**8.1** As contías esixibéis consonte as tarifas liquidaríanse por cada aproveitamento solicitado ou realizado e serán irreducibéis polos períodos de tempo sinalados.

**8.2** No suposto de que á entrada en vigor desta ordenanza fiscal os beneficiarios xa estiveran disfrutando dunha vivenda municipal afecta a educación neste Concello, iniciarase a obrigaón de abonar a cuota tributaria o primeiro día do mes seguinte ao de recibir a notificación da contía.

**8.3** Unha vez autorizada a ocupación, senon se determinou con exactitude a duración do aproveitamento, entenderase prorrogado até que se presente a declaración de baixa polos interesados.

**8.4** A presentación de baixa surtirá efecto a partir do día primeiro do mes seguinte ao da súa presentación no Rexistro xeral do Concello.

**8.5** No importe da cuota non se inclúen, no seu caso, os importes correspondentes as taxas por abastecemento, saneamento e recollida do lixo, así como os gastos de subministro de enerxía eléctrica, teléfono e calquera outro similar.

### **Disposicións finais**

Primeira.- Para o non previsto nesta ordenanza fiscal aplicarase o establecido na Lei xeral tributaria, Lei de dereitos e garantías dos contribuíntes e restante normativa de aplicación.

Segunda.- Esta ordenanza fiscal entrará en vigor ao día seguinte da súa publicación no Boletín oficial da provincia de Pontevedra, e comezará a aplicarse a partir do día 1 de xaneiro do ano 2006, permanecendo en vigor até a súa modificación ou derogación expresa.

BOP número 247, do 27.12.05